

地360.144  
134  
部=3



普安州志  
三

普安州志卷之九



署普安州事永寧州知州王粵麟主修

普安州學正曹維祺

纂修

廣東番禺縣舉人曹

達

祀典志

司牧者一方之天神地祇人鬼之所依也大司樂曰樂六變而天神格八變而地祇出九變而人鬼饗馨香無讒慝未有不能感格者

國家設立祀典頒行郡縣釀祥和而迓休嘉實由於此余聞求陽者焚燎求陰者裸地祭山者霍

普安州志

卷之九

祀典

一

祭水者沉祭四方者醜皆索而致其誠之義鐘

鼓玉帛特其跡耳志祀典

文廟詳學校條下茲不錄

武廟祀忠義神武關聖大帝明建年代無考

國朝康熙五十二年知州謝旻重修後殿康熙五十

六年雲貴總督蔣廷錫重修正殿

追封雍正九年奉文封三代曾祖光昭公祖裕

昌公父成忠公案部議以三代名氏未詳引孟孫氏配享崇聖之例止書爵號

不書名氏其後祠亦止設主不塑像

祭祀每歲奉部文仲春五月十三日神誕致祭

陳設禮神制帛一色白牛一羊一豕一釧籩豆簋  
簋與文廟同三代陳設羊一豕一釧籩豆簋簋  
與崇聖祠同

**儀注**前期一日齋戒省牲滌器至日各官朝服  
行三獻禮飲福受胙儀與文廟同惟無樂舞  
**祝文**曰惟神浩氣凌霄丹心貫日扶正統而彰  
信義威震九州完大節以篤忠貞名高三國神  
明如在徧祠宇於寰區靈應丕昭薦馨香於歷  
代屢徵異績顯佑羣生恭值嘉辰遵行祀典筵  
陳籩豆几奠牲醪尚饗

普安州志

卷之九

祀典

二

**三代儀注**祭日先遣官諸三代公祠**祝文**曰維  
公世澤貽庥靈源積慶德能昌後篤生神武之  
英善則歸親宜享尊崇之報列上公之封爵錫  
命優隆合三世以肇禋典章明備恭逢諏吉祇  
事薦馨尚饗

**社稷壇**祀州社稷之神**明**無考

國朝

建在治南一里南壇山案壇制北向南  
各二丈高三尺四寸出  
陛各三級壇下前十二丈東西南各五丈繚以  
週垣四門紅油由此門入壇外建神廚庫房宰  
牲房帛坎案今有  
壇壇餘未如制

**石主神牌制**石主長二尺五寸方一尺埋於壇  
上正中近南距壇邊二尺五寸止

露圓丈餘埋土中神牌二以木為之硃漆青字  
身高二尺二寸濶四尺五分厚九分座高四寸  
五分濶八寸五分厚四寸五分  
臨祭設壇上祭畢藏之神庫

祭祀每歲奉部文仲春秋上戊日致祭陳設禮神

制帛一黑色長一羊一豕一鉶一和羹邊四粟鹽藿

魚豆四韭菹藟菹簋二稷簋二梁稻

儀注前期三日齋戒前期一日省牲掃除壇之

上下設獻官幕次於中門外至日黎明各官朝

服行三獻禮飲福受胙儀與文廟同惟無樂舞

贊唱望燎改為望瘞執事者以祝帛焚於坎中將畢以土實坎

祝文曰惟神莫安九土粒食萬邦分郡邑以表

普安州志

卷之九

祀典

封圻育三農而蕃稼穡恭承守土肅展明禋時

屆仲秋敬修祀典庶九九松柏鞏磐石於無疆

翼翼黍苗佐神倉於不匱尚饗

風雲雷雨山川城隍壇祀風雲雷雨境內山川

城隍之神壇在治東潑東陵寺旁明無考

國朝建

案風雲雷雨壇舊在治北營盤山之西今與山川壇同祀

祭祀每歲仲秋春秋二祭與社稷壇同陳設風雲雷

雨禮神制帛四山川禮神制帛二城隍禮神制

帛一俱白色長與羊豕籩豆簋簋與社稷壇同

惟酒盞風雲雷雨前十二山川前六城隍前三仍總獻爵各三

**儀注**與社稷壇同惟獻禮分中左右三位引詣望燎執事者不以土實坎

**祝文**曰惟神贊襄天澤福佑蒼黎佐靈化以流

形生成永賴乘氣機而鼓盪溫肅攸宜磅礴高

深長保安貞之吉憑依鞏固實資捍禦之功幸

民俗之殷盈仰神明之庇護恭修歲祀正值良

辰敬潔豆籩祇陳牲帛尚饗

先農壇祀先農之神木牌高二尺四寸闊六寸座高五寸潤七寸五分紅

地金字臨祭迎設壇上祭畢仍捧安神廟

**國朝**雍正五年知州黃世文奉文動項建壇制高二尺一寸深

普安州志 卷之九 祀典 四

廣二丈五尺後為神廟正殿三間東西房各一間門樓一座週圍繚以垣壇廟門皆南向前為

藉田計四畝九分在治西疏碕廠

**祭祀**每歲奉部文季春亥日致祭每祭支藉田穀二石

并扣支地丁銀陳設禮神制帛一色餘與社稷壇同

**儀注**前期二日齋戒前期一日省牲掃壇掃帚

檢視耕器農具赤色牛黑色至日各官朝服朝禮

前後三跪九叩三獻飲祭里遵依部行部長

更換蟒袍補服行耕藉知州扶犁佐貳牛佐青

用耆老一人牽牛農夫二人把

定犁向九推九返農夫終畝

耕畢各官率耆老農夫望

闕行三跪九叩頭禮

**祝文**曰惟神肇興稼穡粒我蒸民頌思文之德  
克配彼天念率育之功常陳時夏茲當東作咸  
服先疇洪惟九五之尊歲舉三推之典忝膺  
守土敢忘勞民謹奉彝章聿修祀事惟願五風  
十雨嘉祥咸沐於神庥庶幾九穗雙歧上瑞頻  
書於大有尚饗

**厲壇**祀厲鬼祭時迎設城隍神位於壇上用紙  
多書無祀鬼神等象字樣牌位列

於壇下**明**無考

普安州志

卷之九

祀典

五

國朝建在治西北四里牌

**祭祀**每歲春清明日秋七月十五日冬十月朔

日致祭陳設羊三豕三飯米三石壇上城隍神  
位設羊一豕

一壇下厲神用羊二豕二解置於器  
并羹飯鋪設左右位前香燭紙隨用

**儀注**前期一日主祭官備香燭詣城隍廟焚告

**牒**三行一跪至日各官齊穿補服於壇上城隍神

位前行禮一跪三叩中間三獻爵讀告文  
禮畢執事者以告文同紙焚之

**告文**如年祀月官街曰遵依禮部劄副為祭祀本州

闔境無祀鬼神等象事該欽奉

皇帝聖旨普天之下后土之上無不有人無不有鬼

神人鬼之道幽明雖殊其理則一故天下之廣  
兆民之衆必立君以主之君總其大又設官分  
職於府州縣以各長之各府州縣又於每一百  
戶內設一里長以綱領之上下之職綱紀不紊  
此治人之法如此

天子祭

天地神祇及天下山川王國各府州縣祭境內山川及  
祀典神祇庶民祭其祖先及里社土穀之神上  
下之禮各有等第此祀神之道如此尚念冥冥  
之中無祀鬼神昔為生民未知何故而歿其間

普安州志

卷之九

祀典

六

有遭兵刃而橫傷者有死於水火盜賊者有被  
人取財而逼死者有被人強奪妻妾而死者有  
遭刑禍而負屈死者有天災流行而疫死者有  
為猛獸毒蟲所害者有為饑餓凍死者有因戰  
鬪而殞身者有因危急而自縊者有因牆屋傾  
頽而壓死者有死後無子孫者此等鬼魂或終  
於前代或歿於近世或兵戈擾攘流移他鄉或  
人烟斷絕久缺其祭姓名泯沒於一時祀典無  
聞而不載此等孤魂死無所依精魄未散結為  
陰靈或倚草附木或作為妖怪悲號於星月之

下呻吟於風雨之時凡遇人間令節心思陽世  
魂杳杳以無歸身墮沉淪意懸懸而望祭興言  
及此憐其慘悽故勅天下有司依時享祭在京  
都有泰厲之祭在王國有國厲之祭在各府州  
有郡厲之祭在各縣有邑厲之祭在一里又各  
有鄉厲之祭期於神依人而血食人敬神而知  
禮仍命本處城隍以主此祭欽奉如此今某等  
不敢有違謹設壇於城北以某月某日照填清  
明等日  
置備牲醴羹飯專祭本州闔境內無祀鬼神等  
衆靈其不昧來享此祭凡我一州境內人民倘

有忤逆不孝不敬六親者有奸盜詐偽不畏公  
法者有拗曲作直欺壓良善者有躲避差徭耗  
損貧民者似此頑惡奸邪不良之徒神必報於  
城隍發露其事使遭官府輕則笞決杖斷不得  
號為良民重則徒流絞斬不得生還鄉里若事  
未發露必遭陰譴使舉家并染瘟疫六畜田蠶  
不利如有孝順父母和睦親族畏懼官府遵守  
禮法不作非為良善正直之人神必達之城隍  
陰加護佑使其家道安和農事順序父母妻子  
保守鄉里我等闔州官吏如有上欺



朝廷下枉良善貪財作弊蠹政害民者靈必無私一體昭報如此則鬼神有鑒察之明官府非諂諛之祭尚饗

城隍廟祀州城隍之神明無考

國朝建在城內臥牛山下

祭祀儀注祝文俱與風雲雷雨山川合壇行禮

忠義孝弟祠建詳學校奉

旨祀闔州已故忠義孝弟之人設王祠中并將姓名表揚牌坊之上每歲春秋致祭儀與鄉賢祠同祝文曰維靈稟賦真純躬行篤實忠誠奮發貫

普安州志

卷之九

祀典

八

金石而不渝義問宣昭表鄉閭而共式祇事懋彝常之大性摯莪蒿克恭念天顯之親情殷棗萼模楷咸推乎懿德

恩綸特闡其幽光祠宇維隆歲祀式舉用陳樽簋來格凡筵尚饗

節孝祠建詳學校奉

旨祀闔州已故節孝婦女設主祠中并將姓氏表揚於牌坊之上每歲春秋致祭儀與忠義祠同

祝文曰維靈純心皎潔令德柔嘉矢志完貞全閨中之亮節竭誠致敬彰闔內之芳型茹冰蘖

而彌堅清操自勵奉盤匱而匪懈篤孝傳微  
絲綸特沛乎

殊恩祠宇昭垂於令典祇陳歲祀特薦尊醪尚饗

附州祀凡二

**文昌閣**祀文昌帝君在州治東北唐帽山下明  
萬曆十一年建在與福寺前**案**即今地一在樂  
民里圍山一在平彝里沙陀一在黃草壩城東  
每歲二月初三日州儒學官及紳士祭祀其費  
支銷祭田租價

**魁星閣**祀魁神在臥牛山鐘鼓樓舊址里紳董

普安州志

卷之九

祀典

九

洵熙建一在蕭家崖上一在樂民里雞塲山州  
紳士建每歲七月初七日州儒學官及紳士祭  
祀其費支銷祭田租價

論曰普安州祀典與他處同文廟編入學校茲  
不論武廟為闕龍逢後世篤忠貞血食萬世至  
於溥海內外宜矣古者社有樹自天子至諸侯  
樹各不同六宗有風雨無雲雷周禮有觀師雨  
師亦無雲雷易曰雲雷屯君子以經綸蓋雲雷  
者與風雨同德相濟也周時籥章吹豳詩擊土  
鼓罔不以農為重今之先農匪第烈山氏也城

隲冕於易古無祀後世有之實惟一方之主若夫文昌則北斗第四星是也謂之司中又帝座後有文昌六星世以為張仲陸隴其以星當之不以人當之持論最正魁星當是奎星主文明若以為魁斗之魁則與文昌同矣然文昌魁星為天下通祀未入

國家祀典至雩祭八蜡近奉

部頒雩有壇蜡有祠尚未備